

鵝鷓上音休 鵝鷓二音格 鳥鷓上音格 瓦坏反
 鳧上音力 埃塵上音 鳩埤上音 瓦坏反
 下反 整呼各反 媚眉二反 腹臆下音 褰撥上音
 下反 尻音 下上音 耳璫下音 頰態下音
 末下 必反 庭音 頂音 確然上音 反山稜音 疾交反

佛本行集經卷第二十八

業八

隋天竺三歲法師闍那崛多譯

魔怖菩薩品中

尔時彼等魔諸女輩善解婦人妖幻之事更
 復別為餘誑惑法媚亂菩薩而說偈言

初春佳麗好時節 果木林樹悉開華

如此美景可歡娛 仁色豐盈甚端正
 現今幼年情逸蕩 正是丈夫行樂時
 欲求善提道甚難 仁可迴心受世樂
 宜觀我等天女輩 可喜形兒軟悞身
 以諸瓔珞自莊嚴 誰今能得如是體
 仁感得已何不受 我身香潔如蓮華

世間如此福德人 何故捨之而不用
 頭髮光明紺青色 恒以雜種香澤薰
 奇異摩尼為寶鬘 作華持以挿其上
 我等額廣頭圓滿 眉目平正甚脩揚
 清淨等彼青蓮華 其鼻皆如鸚鵡鳥
 口脣明曜赤朱色 或如頻婆羅果形
 亦似珊瑚及烟脂 齒如珂貝甚白淨
 舌薄猶如蓮華葉 語言諳詠出妙音
 猶如緊陀羅女聲 兩乳百媚皆精妙
 又復猶如石榴果 膏軟纖細如弓肥
 脊脊寬博潤而平 猶如象王頭頂額
 雙胜柔白洪端直 其狀猶若象鼻臚
 兩脛正等纖而躡 清淨猶如鹿王團
 足下平滿不斜凹 赤白猶如蓮華耀
 我等身體可喜容 如是眾相莊嚴具
 技能一切皆備足 快解作諸種音聲
 復巧歌儻悅眾心 諸天見我皆歡喜
 悉各羨我生慈意 我等非是不樂仁

仁今見我何不貪 又如人覩金寶藏
捨離棄之遠逃走 不知財物是樂因
仁之心意亦復然 不識五慾之快樂
寂定安禪不取我 或可仁者是大癡
何故不受世樂情 涅槃道路甚懸遠
今時菩薩諦心熟 視諸魔女言目不暫捨正

念微笑斂攝諸根 定其身體無愧無慙不急
不緩端直安住 猶如須彌心意不傾自餘方
便智慧之門 往昔已曾攝伏一切諸煩惱患
哀愍言音過於梵響 猶如迦羅頻伽鳥聲以
偈語彼諸魔女言

業
彼諸世間五慾等 多苦多過衆惱纏

由煩惱故失神通 無明陷墜墮黑闇
衆生受之不知足 我久捨離諸煩牢
如猛火坑毒藥函 往昔已來早辭避
既飲甘露智慧水 自心覺了欲覺他
當說微密教法門 若今受此穢慾事
終不可能得此道 若人增長貪愛心

是則名爲大愚癡 既自不能得自利
況復能利於一切 是故我今心不耽
世間五慾燒衆生 猶如劫火災萬物
五慾猶如水泡沫 亦如幻炎無一真
虛假誑惑於凡夫 智者誰應樂此事
猶如童蒙小兒輩 戲於自許糞穢中

迷惑愚癡無智人 見著種種諸瓔珞
觀已便生慾心想 頭髮根本從腦生
臭穢醜陋劇癰瘡 牙齒增長猶飲出
脣口耳鼻及眼等 一切皆如水上泡
髀髀脊背及尻髻 臭處不淨從血有
腹肚屎尿之囊袋 不淨諸物滿其間

業
是業皆從愛所生 譬如造輪爲輾碾
愚癡愛樂亦如是 若有一切諸智人
分別是等衆患殃 此處不受如斯樂
身體日夜常流血 臭處不喜以眼看
兩脰兩脛雙脚踏 筋骨相縛而立住
我觀汝等今如此 如幻如化如夢爲

一切悉從因緣生 五慾無有真實德
 五慾能失諸聖道 牽人將入惡道中
 五慾猶如火坑 亦如雜毒滿諸器
 如瞋虵頭不可觸 此處愚癡多被迷
 強作淨想橫生貪 五慾如受雇客作
 與諸婦人作奴僕 捨彼淨戒行道心
 及離智慧寂定禪 住於憤亂喧鬧裏
 捨諸妙法取慾戲 彼人墮地獄不疑
 是等諸幻我見來 以是意中不貪樂
 欲求畢竟自在樂 亦教他人令共同
 我以解脫彼世間 如虛空風不可縛
 汝等魔女若滿此 世間一切諸衆生
 我心終不分別之 暫共汝等行五慾
 我久已除瞋恚恨 愚癡貪慾一切無
 諸佛大智聖世尊 心無有礙如空體
 尔時魔王波旬女等善解女人幻惑之法更
 加情態益顯嬌姿莊嚴其身示現美妙音辭
 巧便來媚菩薩而有偈說

魔王波旬有三女 可愛可嬉喜見儔
 在諸女中最尊豪 魔王教令善嚴飾
 速疾往諸菩薩所 現諸幻惑作嬌姿
 使身猶如弱樹枝 婀娜隨風而搖動
 在於菩薩前向立 歌儻口唱如是言
 仁善釋子當作王 云何坐彼大樹下
 此盛上春妙時節 男女合會生喜歡
 猶如諸鳥自相娛 慾心一發難止息
 時至且可共受樂 何故守心不觀我
 我等今者復以來 宜應同行稱心適
 彼聖猶如日初出 億劫行諸行積功
 其心不動如須彌 妙音清激猶雷響
 行步安庠若師子 語言利益多所成
 世間衆生不思量 恒爲諸慾起鬪諍
 既起鬪諍便言訟 如是無智等諸人
 常爲如此苦惱煎 智人知之不隨順
 捐棄出家而遠離 處於山林以自娛
 我今時節已現前 欲證常住甘露法

業

集二十八

四

先須降伏彼魔衆
其魔波旬諸女等
仁者面目如淨華
但且受於世王位
若卧若坐及起行
菩提極果甚難得

然後當成十力尊
更白菩薩如是言
願聽我等諸語說
自在最勝上尊豪
作妙音聲無斷絕
況復諸佛智慧身

解脫正路行涉難
是時菩薩復報彼
於天人中自在尊
具足十力無所畏
諸學無學弟子群
口常作如是讚歎

仁見有誰往能到
我當決定作法王
轉妙法輪無有上
在於三界獨巍巍
千億萬數圍遶我
大聖出興除世疑

我當為彼說法時
是故我於世間內
魔女復白菩薩言
衰朽年老時未至
必其羸病不能堪
我等華容悉三五

遊行處處隨心意
不樂一切五慾歡
仁今少壯甚可惜
色力強盛且恣情
乃可捨此身端正
正是仁者好良朋

五慾嬉戲最便妍
仁今若不見容受
菩薩復更為說言
努力遠離於諸難
能捨世間苦難時
及今老病死未至

何故乃然厭離我
我等隨逐終不辭
今日既得人身體
勤求入彼甘露門
則離人天一切難
諸惡聞諍復不興

我等速疾應當行
常住寂然無畏所
亦時魔女復說偈言
仁在天中如釋天
炎摩堯率及化樂
具足翫好無所虧

早離於斯諸難處
是彼真實涅槃城
左右端正諸天女
他化自在并魔宮
但受五慾莫寂滅

亦時菩薩以偈報言
五慾如霜不久住
汝女可畏如地曠
悉屬魔王不自在
亦時魔女復說偈言
仁可不見樹木華

亦如秋雲雨暫時
帝釋夜摩堯率等
慾事百怨何可貪
諸蜂諸鳥雜音響

地生青色柔輦草
緊陀諸天作妓聲

復出種種諸妙林
如是妙時可受樂

爾時菩薩以偈報言

蜂鳥飢渴取氣香
昔佛甘露不可盡

樹木依時著華果

日炙至時地自乾

爾時魔女復說偈言

仁者面色猶初月

觀我顏貌似蓮華

口齒潔白清淨牙

如此妙女天中少

況復世間仁已得

身心承順不相違

爾時菩薩以偈報言

我觀汝體不淨流

諸虫周匝千萬孔

不牢諸惡遍身滿

生老病死恒相隨

我求世間最上難

真正不退智人道

彼見六十四種巧

手動瓔珞鑲耳璫

被欲箭射微笑言

聖子云何不顛倒

諸有見患大仁者

見美五慾猶毒瓶

利刀塗蜜截舌傷

慾如蛇頭火坑非

如人師子行風動

樹木山壁悉崩傾

我今威德離慾中

棄捨汝等猶如彼

其諸魔女出百技

術惑菩薩不動移

菩薩如象師子王

猶如須彌住無動

彼等誘誑既不得

心生慙愧各低頭

恭敬歡喜讚歎言

能面淨如蓮華潔

亦如醍醐及秋月

巍巍光照若金山

業

集三十八

六

心所求者願當成

自度度他千萬眾

爾時波旬諸魔女等力既不能幻惑菩薩心

生愧耻各自羞慙相與曲躬禮菩薩足圍遶

三帀辭退而行安庠還向魔波旬邊到已即

白父如是言父王不應舉意向於彼眾生所

造作怨讎何以故我等昔來不曾見有如是

眾生在慾界中作是姿態媚惑之事顯示於

彼不暫移動又復我等作慾事時必得枯乾

一切人意猶如旱時諸草木等必令焦滅猶

如春時酥置日下自然融消今此丈夫何緣

獨爾是故父王唯願莫共彼作怨讎即向其

父而說偈言

彼形過於瞻蔔色
不動猶如大山王
我當委具說其事
微笑觀我心不移
不瞋不恨無慾想
假使須彌倒地崩

無邊威德勝名聞
頂禮已訖今來至
彼眼色如優鉢羅
面貌清淨視無瞬
觀我等如幻化爲
星宿日月悉墮落

大海枯涸水滅盡
語言微妙令人歡
見我無有瞋恚意
察我意行及身體
是故心不行五慾
非是人天所度量

彼見慾患心不迴
觀我慈悲無慾想
思惟我體不似癡
審諦思惟婦女患
離慾無慾誰能知
我等現示婦女諂

彼心若有慾心者
而觀我等心不欲
百福莊嚴功德智
千億劫行梵行來
我等頂禮彼金色
必當證正覺菩提

心意消滅如乾柴
猶如山王安止住
具滿檀度戒行圓
清淨衆生大威德
決定無疑降我魔
我等不願爲怨結

此陣難擊我難勝
父王但觀虛空中
種種瓔珞莊嚴體
曼陀羅華等雨雲
十方諸佛皆遣使
有識衆類悉皆來

欲降伏彼亦大難
菩薩多衆他方至
恭敬重心禮彼尊
作妙偈頌歎於彼
持雜種妙甘露食
無情諸山及雜樹

須彌山神并帝釋
是故父王非是時
今時魔王即說偈言

頂禮向於功德林
我等宜應還本處

凡人渡河到彼岸
若作怨結須竟頭

欲得搗物必斷根
諸所爲事不可悔

時魔波旬不納長子商主勸言亦復不受已
之諸女諮諫之言身即自往菩提樹所到菩
薩邊到已即白菩薩是言汝釋沙門今何求
故來在於此多毒惡龍雲雨野獸可畏可驚
黑夜處所獨自入斯林樹下坐汝之比丘可
不畏彼一切諸怨賊盜之人
時菩薩報魔波旬言魔王波旬我今欲求寂

滅涅槃往昔諸佛所行之處最上無畏諸有
盡處以求是故獨自在此阿蘭若中樹下而坐
尔時魔王即便以偈白菩薩言

沙門汝獨在蘭若 苦行所希者甚難
具足方便老仙人 禪定失已並皆退
况汝年少時盛壯 求此勝妙何因由

尔時菩薩復以偈報魔波旬言

往古諸仙苦行者 精進勇猛未甚深
彼福報善力不強 我昔持戒誓牢固
波旬我若不證道 終不捨於此樹林

尔時魔王復說偈言

我於慾界最為尊 帝釋護世皆由我

脩羅緊那龍王等

汝亦在於我界中 速起自憶離此樹

尔時菩薩復以偈報魔波旬言

汝於慾界雖自由 決定法界無自在
唯知地獄餓鬼等 然我今非三有人
得道必破汝魔宮 當令汝後失自在

時魔波旬復語菩薩作如是言釋子汝速起
離此處定當必得轉輪聖王治四天下作大
地主具足七寶乃至統領一切山川釋子汝
可不憶往昔實語諸仙如是言耶記汝當王
宜速起作自在世主若起作者所謂威德最
上無比如法住於治化之中得一切國所有

人民皆來渴仰恭敬供養又汝釋子身體柔
軟小來長養於深宮中今此曠野林內少人
多有諸獸雄猛可畏獨自無伴恐損汝身我
恒憂愁釋子汝今疾離此處還向本宮難得
已得五慾微妙悅目適心慎莫不受汝今雖
欲求彼難得無上之道釋子未知然其菩提

甚誠難得徒疲勞耳作是語已默然而住尔
時菩薩報魔波旬言魔王波旬汝今不須作
如是語何以故我意不樂五慾之事魔王波
旬我久已知五慾諸患一耽五慾不可知足
暫時受樂不得久停無常苦空無我不固猶
草上露如地舌頭可畏難觸猶如骨聚疽惡

業 集二十八

九

不淨猶如肉片諸獸共貪相爭相殺猶如樹上成熟之果不久著枝如夢如泡如幻如炎無有真實如羊羣中所覆之火忽然燒人魔王波旬我今欲證無爲之處波旬汝知我既已捨四天下中豐樂之處及以七寶又魔波旬譬如有人以食妙食還復吐却後更欲食

無有是處如是如是我今已捨如上果報此是難事如彼人吐既不更食我豈還宮魔王波旬我今不久定取菩提當得作佛盡於生老病死等患波旬汝還本所來處不用住此汝多漫言無利益言愚癡人言

時魔波旬復更如是思惟念言此人不可以五慾事誑之可得我今當更設餘方便以美言辭慰喻彼心而遣其去時魔波旬如是念已曰菩薩言仁甘蔗種沙門釋子速起速起仁自小來未見戰鬪戰鬪刀兵甚可怖畏仁者但行自家王法此陣敵事非仁所堪又仁莫共他作怨讎若結怨嫌長夜瞋恚欲癡貪

等濁穢心識不可解脫色受想行識等諸陰仁速疾迴此不善心不正見身沙門釋子仁至家中作無遮會別以王法降伏世間治化天下受金輪位莫戀勞此爲戰鬪傷仁還自宮是大威勢福德之子如此王路可喜端正往昔諸王所共歎美國土廣大統四天下一

切充足諸事不少仁既生在大王深宮今日剃髮作比丘身不合如此作於乞士仁復何用爲沙門形貧窮活命王種釋子我憐愍仁故作是語亦不強遣起離於此但意不忍使仁作惡而說偈言

死命可畏刹利種 宜捨解脫還本宮

立義弓箭治世間 今受樂後生天上

此路得名遍一切 往昔諸王皆共行

仁今既生王種中 不合沙門乞活命

時魔波旬如是言已菩薩諦視確然不從既不動身亦不移坐心自如是思惟念言嗚呼波旬汝見自利非是爲我如是念已語波旬

集二十八

十

言魔王波旬我今已坐金剛牢固結跏趺坐
 甚難破壞為欲證彼甘露法故魔王波旬汝
 欲所作隨意即作所能堪辦隨意即辦時魔
 波旬瞋發懊惱語菩薩言謂釋比丘汝今何
 故獨坐在此蘭若樹下魔出如是虛吼之聲
 汝意云何我安坐也或言猶如坐於城內自

言牢防四壁圍遶今汝比丘可不見我所率
 領來四種兵眾象馬車步諸雜軍等幡旗麾
 纛羽蓋旂多諸夜叉悉食人肉善解神射
 各把鞞弓執持利箭槊矛鈎戟刀棒金剛鬪
 輪鉄鉞種種諸仗駕千萬億象馳馬車放火
 吼聲虛空充塞其外復有無量諸龍各各皆

乘大黑雲隊放閃電電霧霏亂下
 時魔波旬從其背間拔一利劔手執速疾走
 向菩薩口唱是言謂釋比丘我今此劔截汝
 身體猶如壯士斫於竹束而說偈言

我此寶劔甚剛利 今在手中汝好看
 沙門汝若不急奔 當斫汝身如竹束

尔時菩薩報魔王言

一切魔王滿此地

彼等不動我一毛

魔王汝若有大力

汝若能障我不聽

尔時菩薩說是偈已復語魔王作如是言汝

業 集二十八 十一 魔波旬若諸眾生有千萬億悉如汝身盡力

來此作我障礙欲妨菩提令我不得取阿耨

多羅三藐三菩提證者我終不起離於此處

餘樹下坐

時魔波旬語菩薩言釋種比丘汝昔在於優

婁頻螺聚落處所尼連河邊發精進心六年

苦行不惜身命猶不得證阿耨多羅三藐三

菩提亦復不得最上解脫况乃今捨彼精進

意退失禪定生懈怠心而承望得

時菩薩報魔波旬言魔王波旬我昔初發精

進之心故坐彼間阿蘭若處調伏自心我今

成就精進勇猛又昔六年苦行之時快生疲

勞

勸今日不然汝魔波旬今諫於我如是之事
非是憐愍若有憐愍豈如是言汝既已發如
是之心我今定當自得解脫又令他人當得
解脫魔王波旬我法證彼阿耨多羅三藐三
菩提法當得彼微妙解脫

時魔波旬既聞菩薩如是語已心大憂愁悉
捨一切勤劬之力復如是念我今美言美語
慰喻不可令起此道樹下其發誓重既不可
以好言令動今宜嚴勒恐怖訶責戰鬪割截
令其心驚急起而走

時魔波旬如是念已語菩薩言汝釋比丘我
既語汝真正之言汝不取我如是好諫不速
起走向他方者汝必癡也汝之今日必見不善
時菩薩語魔波旬言魔王波旬我昔在於母
胎之時汝等猶尚不能與我作諸障礙況復
今日魔王波旬汝速還去向所來處從昔已
來既不畏汝今亦無畏今時菩薩向魔波旬
而說偈言

虛空刀杖兩我身 寸寸節節割我體

我若不渡生死海 此菩提樹終不移

時魔波旬語菩薩言汝釋比丘今若然者由

汝未見魔之軍衆所以者何我之魔軍身著

牢固剛鞞鎧甲手執種種兵器器仗兩汝身

上當於今時汝釋比丘自應速起離此樹下

來到我所必當口唱如是言語魔王汝可與

我歸依汝之比丘未覺未知我作神通是故

汝坐彼師子座作師子吼汝釋比丘但早速

起何須今日口自虛唱作師子吼而說偈言

我有兵馬象等軍 善解鬪戰諸神將

身帶鎧甲手執仗 今汝有命可速馳

於後求我護甚難 我雖欲救不可得

今時菩薩語波旬言魔王波旬四大海水及

此大地可移餘處日月星宿可從空中墮落

於地須彌大山可作百段亦可大地及須彌

山舉將上天亦可大地及須彌山覆令顛倒

可以乾土壅恒河水不聽其流我今此心不

可遮制不可移轉離於此處何以故魔王波旬如我往昔修行行時如我身力禪定戒行種種諸力如是波旬若天若龍無有過者無有勝者我以往昔行善提行億百千劫成就滿足時菩薩向魔王波旬而說偈言

淨居諸天是我衆 智力為箭方便弓

我今降伏汝不難 猶如醉象踏枯竹

時魔王波旬從菩薩聞如是語已瞋恚增上瞋已復瞋遍滿其體普喚夜叉羅刹等言謂大善將亂衆赤眼汝等速來將諸山石樹木弓箭刀劍金剛杵棒捷牟槩戟鈇鉞種種器仗兩於刹利釋子頭上悉令墮落如霰而下

業

集二十八

十三

尔時夜叉大善將等聞魔王波旬如是言已即便裝束四種兵衆悉著鎧甲將諸器仗速疾而來無量千萬夜叉羅刹及毗舍遮鳩槃荼等種種形容種種狀貌種種顏色種種執持變現可畏顛倒身首異種叫呼可惡聲氣或有象面或有馬頭或駱駝首牛及水牛或驢

或狗或羊猪狼師子虎豹豺熊羆兕犀牛水獺猫牛猕猴狐狸野干猫兔麀鹿如是等形及諸鳥面復有摩竭龜魚等首

或有蛇頭諸雜虫身象頭馬身馬頭象身駝頭牛身牛頭駝身或水牛頭驢騾之身或復驢頭水牛之身狗頭猪身猪頭狗身或殺羊

頭豺狼之身或豺狼頭殺羊之身或師子頭

虎豹之身或虎豹頭師子之身或狸猫頭熊

羆之身或熊羆頭狸猫之身或犀牛頭水獺

之身或水獺頭犀牛之身或犛牛頭猕猴之

身或猕猴頭犛牛之身或有猿猴頭野干之

身或野干頭猿猴之身猫頭鳥身鳥頭猫身

或摩竭頭龜鼈之身或龜鼈頭摩竭之身魚

頭蛇身蛇頭魚身畜頭人身人頭畜身

或復無頭唯空有身或有半面或復半身或

有二頭唯止一身或復一身而有三頭或復

一身而有多頭或復有頭而無有面或復有

面而無有頭或復半頭而無有面或復半面

而無有頭或復二頭而無有面或復無面而有三頭或復多頭而全無面或全無眼或唯一眼二眼三眼乃至多眼或復無耳或復一耳二耳三耳乃至多耳或復無手或復無臂或復一手二手三手乃至多手或復無脚或唯一脚二脚三脚乃至多脚

及無足等

或頭顛倒或復挈頭或頭向下脚向於上手足顛倒割截而懸或眼顛倒或眼凸出青碧可畏或有赤眼或眼出光或轉動眼或有耳哆或復有耳猶如山羊或耳如驢或樹為耳或獼猴耳或有魚耳或多種耳而是人身或鼻匾匿而身鹿醜或復懸口或復懸舌或舌鹿大或舌放光或復牙齒極甚長大身體短促或復牙齒出入參差或復齒牙猶如刀劍或復舌頭如刀劍形或懸腹肚或復無肚或復被髮或復無膝或膝如坳或無有胫脚如覆鉢或如碓曰

十四末

佛本行集經卷第二十八

業八

軟懦下奴排搯楚夾及脊脊上音跡臚丑容脛胡定躡時軟凹鳥交胛下若輾上音對反吾雇音故憤上俱儔直留婀娜下乃或正作音誘音激音妍便上坑穿下或正作音誘音激音妍便上坑穿下或正作音誘音激音妍便上坑穿下

疽七徐戀勞下糜上許為反戟居逆旂反旂上音精下反樂上音潮銖上音越隊徒對秀音罪上音芬壅維勇霰先見豺音熊音羆音狸音猫下上力之反契口結凸上音出上音耳下音哆下音匾音匿下音雖下音對

佛本行集經卷第二十九

業九

隋天竺三藏法師闍那崛多譯

魔怖菩薩品下

德

尔時魔眾如是異形或乘白象或復騎馬或乘駱駝水牛犀牛諸車乘等四面雲集或以脩羅類迦婁羅或復有如摩睺羅伽及鳩槃